

增一阿含經



二百六十七  
斯二

49423



元祿九年丙子二月日重脩

皇圖鞏固 帝階綴昌

佛日增輝 懋輪榮轉

山城州天安寺法金剛院置



增壹阿含經卷第十二

斯

符秦建元年三歲曇摩難提譯

三寶品第二十一

初三法初也

聞如是一時佛在舍衛國祇樹給孤獨園介  
時世尊告諸比丘有三自歸之德云何為三  
所謂歸佛第一之德歸法第二之德歸僧第

三之德彼云何名為歸佛之德謂有衆生三  
足四足衆多足者有色無色有想無想至凡  
惟先天上如來於中最尊最上無能及者由  
牛得乳由乳得酪由酪得酥由酥得醍醐然  
後醍醐於中最尊最上無能及者此亦如是  
諸有衆生二足四足衆多足者有色無色有





想無想至尼惟先天上如來於中最尊最上  
無能及者諸有衆生承事佛者是謂承事第  
一之德已獲第一之德便受天上人中之福  
此名第一之德云何名爲自歸法者所謂諸  
法有漏無漏有爲無爲無欲無染滅盡涅槃  
然涅槃法於諸法中最尊最上無能及者由  
牛得乳由乳得酪由酪得酥由酥得醍醐然  
彼醍醐於中最尊最上無能及者此亦如是  
所謂諸法有漏無漏有爲無爲無欲無染滅  
盡涅槃然涅槃法於諸法中最尊最上無能  
及者諸有衆生承事法者是謂承事第一之  
德以獲第一之德便受天上人中之福此名



德以獲第一之德便受天上人中之福此名  
第一之德云何名為自歸聖眾所謂聖眾者  
大眾大聚有形之類眾生之中如來眾僧於  
此眾中最尊最上無能及者由牛得乳由乳  
得酪由酪得酥由酥得醍醐然復醍醐於中  
最尊最上無能及者此亦如是所謂聖眾者  
大眾大聚有形之類眾生之中如來眾僧於

此眾中最尊最上無能及者是謂承事第一  
之德已獲第一之德便受天上人中之福此  
名第一之德今時世尊便說此偈

第一承事佛 最尊無有上 次復承事法

無欲無所著 敬奉賢聖眾 最是良福田

彼人第一智 受福最在前 若在天人中

處衆爲正導

亦得最妙座

自然食甘露

身著七寶衣

爲人之所敬

戒具最完全

諸根不缺漏

亦獲智慧海

漸至涅槃界

有此三歸者

趣道亦不難

尔時諸比丘聞佛所說歡喜奉行

聞如是一時佛在舍衛國祇樹給孤獨園

時世尊告諸比丘有此三福之業云何爲三

施爲福業平等爲福業思惟爲福業彼云何

名施爲福業若有一人開心布施沙門婆羅

門極貧窮者孤獨者無所趣向者須食與食

須漿給漿衣被飯食牀卧之具病瘦醫藥香花

宿止隨身所便無所愛惜是謂布施爲福之



業彼云何名平等為福業若有一人不殺不盜恒知慙愧不興惡想亦不盜竊好惠施人無貪悋心語言和雅不傷人心亦不他姪自修梵行已色自足亦不妄語恒念至誠不欺誑言世人所敬無有增損亦不飲酒恒知避亂復以慈心遍滿一方二方三方四方亦亦八方上下遍滿其中無量無限不可限不可稱計以此慈心普覆一切令得安隱復以悲喜護心普滿一方二方三方四方亦亦八方上下悉滿其中無量無限不可稱計以此悲喜護心悉滿其中是謂名為平等為福之業彼法云何名思惟為福業於是比丘修行念覺意依無

欲依無觀依滅盡依出要修法覺意修念覺  
意修猗覺意修定覺意修護覺意依無欲依  
無觀依滅盡依出要是謂名思惟為福之業  
如是比丘有此三福之業

尔時世尊便說此偈

布施及平等

慈心護思惟

有此三處所

智者所親近

此間受其報

天上亦復然

緣有此三處

生天必不疑

是故諸比丘當求方便索此三處如是諸比

丘當作如是學

尔時諸比丘聞佛所說歡喜奉行

聞如是一時佛在舍衛國祇樹給孤獨園尔



時世尊告諸比丘有三因緣識來受胎云何  
爲三於是比丘母有欲意父母共集一處與  
共止宿然復外識未應來趣便不成胎若復  
識欲來趣父母不集則非成胎若復母人無  
欲父母共集一處亦時父欲意盛母不大慙  
慙則非成胎若復父母集在一處母欲熾盛  
父不大慙慙則非成胎若復父母集在一處  
父有風病母有冷病則不成胎若復父母集  
在一處母有風病父有冷病則非成胎若復  
有時父母集在一處父身水氣偏多母無此  
患則非成胎若復有時父母集在一處父相  
有子母相無子則不成胎若復有時父母集

在一處母相有子父相無子則不成胎若復  
有時父母俱相無子則非成胎若復有時識  
神趣胎父行不在則非成胎若復有時父母  
應集一處然母遠行不在則非成胎若復有  
時父母應集一處然父身遇重患時識神來趣  
則非成胎若復有時父母應集一處識神來趣  
然母身得重患則非成胎若復有時父母應集  
在一處識神來趣然復父母身俱得疾病則  
非成胎若復比丘父母集在一處父母無患  
識神來趣然復父母俱相有見此則成胎是  
謂有此三因緣而來受胎是故諸比丘當求  
方便斷三因緣如是諸比丘當作是學亦時



諸比丘聞佛所說歡喜奉行

聞如是一時佛在舍衛國祇樹給孤獨園介  
時世尊告諸比丘若有衆生欲起慈心有篤  
信意承受奉事父母兄弟宗族室家朋友知  
識當安三處令不移動云何爲三當發歡喜  
於如來所心不移動彼如來至真等正覺明  
行成爲善逝世間解無上士道法御天人師  
号佛世尊復當發意於正法中如來法者善  
說無礙極爲微妙由此成果如是智者當學  
知之亦當發意於聖衆所如來聖衆悉皆和  
合無有錯亂法法成就戒成就三昧成就智  
慧成就解脫成就解脫見慧成就所謂聖衆

者四雙八輩十二賢聖此是如來聖衆可敬  
可貴此是世間無上福田諸有比丘學此三  
處者則成大果報如是諸比丘當作是學  
尔時諸比丘聞佛所說歡喜奉行  
聞如是一時佛在舍衛國祇樹給孤獨園尔  
時瞿波離比丘至世尊所頭面礼足在一面  
坐尔時彼比丘白世尊曰此舍利弗目犍連  
比丘所行甚惡造諸惡行世尊告曰勿作是  
語汝發歡喜心於如來所舍利弗目犍連比  
丘所行淳善無有諸惡是時瞿波離比丘再  
三白世尊曰如來所說誠無虛妄然舍利弗  
目犍連比丘所行甚惡無有善本世尊告曰



汝是愚人。不信如來之所說乎。方言舍利弗。目捷連比丘所行甚惡。汝今造此惡行。後受報不久。尔時彼比丘即於座上。身生惡瘡。大如芥子。轉如大豆。漸如阿摩勒菓。稍如胡桃。遂如合掌。膿血流溢。身壞命終。生蓮華地獄中。是時尊者大目連聞瞿波離命終。便至世尊所。頭面禮足。在一面坐。斯須退坐。白世尊曰。瞿波離比丘爲生何處。世尊告曰。彼命終者。生蓮華地獄中。是時目連白世尊曰。我今欲往至彼地獄。教化彼人。世尊告曰。目連不須往。彼目連復重白世尊曰。欲往至彼地獄。教化彼人。尔時世尊亦默然不對。是時尊

者大目捷連如力士屈伸臂頃從舍衛沒不  
現便至蓮華大地獄中當尔時瞿波離比丘  
身體火然又有百頭牛以犁其舌尔時尊者  
大目捷連在虛空中結跏趺坐彈指告彼比  
丘曰時瞿波離報曰汝是何人目捷連報瞿  
波離我是釋迦文佛弟子字目捷連姓拘利施  
是時比丘見目捷連已吐此惡言我今墮此惡趣  
猶不勉汝前乎說此語訖即時已有千頭牛  
以犁其舌目捷連見已倍增愁邑生變悔心即  
於彼沒還到舍衛國至世尊所頭面礼足在  
一面住尔時目捷連以此因緣具白世尊世尊  
告曰我前語汝不須至彼見此惡人尔時世



尊便說此偈

夫士之生 斧在口中 所以斬身 由其惡言

彼息我息 此二俱善 已造惡行 斯墮惡趣

此為最惡 有盡無盡 向如來惡 此者最重

一万三千 六一灰獄 謗聖墮彼 身口所造

尔時世尊告諸比丘當學三法成就其行云

何為三身行善 口行善 意行善 如是比丘當

作是學 尔時諸比丘聞佛所說歡喜奉行

聞如是一時佛在舍衛國祇樹給孤獨園 尔

時世尊告諸比丘若有比丘成就三法於現

法中善得快樂勇猛精進得盡有漏云何三

法於是比丘諸根寂靜飲食知節不失經行

云何比丘諸根寂靜於是比丘若眼見色不起想著無有識念於眼根而得清淨因彼求於解脫恒護眼根若耳聞聲鼻嗅香舌知味身知細滑意知法不起想著無有識念於意根而得清淨因彼求於解脫恒護意根如是比丘諸根寂靜云何比丘飲食知節於是比丘思惟飲食所從來處不求肥白趣欲支形得全四大我今當除故痛使新者不生今身有力得修行道使梵行不絕猶如男女身生惡瘡或用脂膏塗瘡所以塗瘡者欲使時愈故此亦如是諸比丘飲食知節於是比丘思惟飲食所從來處不求肥白趣欲支形得全四



大我今當除故痛使新者不生今身有力得  
修行道使梵行不絕猶如重載之車所以膏  
輟者欲致重有所至比丘亦如是飲食知節  
思惟飲食所從來處不求肥白趣欲支形得  
全四大我今當除故痛使新者不生今身有  
力得修行道使梵行不絕如是比丘飲食知  
節云何比丘不失經行於是比丘前夜後夜  
恒念經行不失時節常念繫意在道品之中  
若在晝日若行若坐思惟妙法除去陰蓋復  
於初夜若行若坐思惟妙法除去陰蓋復於  
中夜右脇而卧思惟繫意在明彼復於後夜  
起若行若坐思惟深法除去陰蓋如是比丘

不失經行若有比丘諸根寂靜飲食知節不失經行常念繫意在道品之中此比丘便成二果於現法中得阿那含猶如善御之士在平正道中御四馬之車無有疑滯所欲到處必果不疑此比丘亦復如是若諸根寂靜飲食知節不失經行常念繫意在道品之中此比丘便成二果於現法中漏盡得阿羅漢若阿那含介時諸比丘聞佛所說歡喜奉行聞如是一時佛在舍衛國祇樹給孤獨園介時世尊告諸比丘有三大患云何為三所謂風為大患澹為大患冷為大患是謂比丘有此三大患然復此三大患有三良藥云何為



三若風患者酥為良藥及酥所作飯食若澹  
患者蜜為良藥及蜜所作飯食若冷患者油  
為良藥及油所作飯食是謂比丘此三大患  
有此三藥如是比丘亦有此三大患云何為  
三所謂貪欲瞋恚愚癡是謂比丘有此三大  
患然復此三大患有三良藥云何為三若貪  
欲起時以不淨往治及思惟不淨道瞋恚大  
患者以慈心往治及思惟慈心道愚癡大患  
者以智慧往治及因緣所起道是謂比丘此  
三大患有此三藥是故比丘當求方便索此  
三藥如是比丘當作是學亦時諸比丘聞佛  
所說歡喜奉行

聞如是一時佛在舍衛國祇樹給孤獨園  
時世尊告諸比丘有三惡行云何為三所謂  
身惡行口惡行意惡行是謂比丘有三惡行  
當求方便修三善行云何為三身惡行者當  
修身善行口惡行者當修口善行意惡行者  
當修意善行  
爾時世尊便說此偈

當護身惡行

修習身善行

念捨身惡行

當學身善行

當護口惡行

修習口善行

念捨口惡行

當學口善行

當護意惡行

修習意善行

念捨意惡行

當學意善行

身行為善哉

口行亦復然

意行為善哉

一切亦如是

護口意清淨

身不為惡行



淨此三行跡。至仙無爲處。  
如是諸比丘當捨三惡行修三善行如是比  
丘當作如是學。今時諸比丘聞佛所說歡喜奉行  
聞如是一時佛在舍衛國祇樹給孤獨園。今  
時有衆多比丘到時著衣持鉢入城乞食。是  
時衆多比丘便生此念。我等入城乞食。日時  
猶早。今可相率至外道梵志所。今時衆多比  
丘便往至異學梵志所到已。共相問訊。在一  
面坐時。諸梵志問沙門曰。瞿曇。道士恒說欲論  
色論痛論想論。如此諸論有何差別。我等所論  
亦是沙門所說。沙門所說亦是我等所論。說  
法同我說法。教誨同我教誨。是時衆多比丘

聞彼語已亦不言善復不言惡即從座起而  
去並作此念我等當以此義往問世尊亦時  
衆多比丘食後便至世尊所到已頭面礼足  
在一面坐是時衆多比丘從梵志所聞事因  
緣本末盡白世尊亦時世尊告諸比丘設彼  
梵志作此問者汝等當以此義訓彼來問欲  
有何味復有何過當捨離欲色有何味復有  
何過當捨離色痛有何味復有何過當捨離  
痛汝等設以此語訓彼來問者彼諸梵志嘿  
然不對設有說者亦不能解此深義遂增  
愚惑墮於邊際所以然者非彼境界然復比  
丘魔及魔天釋梵四天王沙門婆羅門人及



非人能解此深義者除如來等正覺及如來  
聖衆受吾教者此即不論欲有何味所謂五  
欲者是云何爲五眼見色爲起眼識甚愛敬  
念世人所喜若耳聞聲鼻嗅香舌知味身知  
細滑甚愛敬念世人所喜若復於此五欲之  
中起苦樂心是謂欲味云何欲有何過者若  
有一族姓子學諸伎術而自營己或學田作  
或學書疏或學傭作或學筭數或學權詐或  
學刻鏤或學通信至彼來此或學承事王身  
不避寒暑記累勤苦不自由己作此勤苦而  
獲財業是爲欲爲大過現世苦惱由此恩愛  
皆由貪欲然復彼族姓子作此勤勞不獲財寶

彼便懷愁憂苦惱不可稱記便自思惟我作  
此功勞施諸方計不得財貨如此之比者當  
念捨離是為當捨離欲復次彼族姓子或時  
作此方計而獲財貨已獲財貨廣施方宜恒  
自擁護恐王所奪為賊偷竊為水所漂為火  
所燒復作是念正欲藏窖恐復忘失正欲出  
利復恐不剋或家生惡子費散吾財是為欲  
為大患皆由欲本致此灾變復次族姓子恒  
生此心欲擁護財貨後猶復為國王所奪為  
賊所劫為水所漂為火所燒所藏窖者亦復  
不剋正使出利亦復不獲居家生惡子費散  
財貨万不獲一便懷愁憂苦惱椎骨喚呼我



本所得所有財貨今盡忘失遂成愚惑心意  
錯亂是謂欲爲大患緣此欲本不至無爲復  
次緣此欲本著鎧執杖共相攻伐已相攻伐  
或在魚衆前或在馬衆前或在步兵前或在  
車兵前見馬共馬鬪見魚共魚鬪見車共車  
鬪見步兵共步兵鬪或相斫射以稍相斫刺如  
此之比欲爲大患緣欲原本致此灾變復次  
緣此欲本著鎧執杖或在城門或在城上共  
相斫射或以稍刺或以鐵輪而轆其頭或稍  
鐵相灑受此苦惱死者衆多復次欲者亦無  
有常皆代謝變易不停不解此欲變易無常  
者此謂欲爲大患云何當捨離欲若能修行除

貪欲者是謂捨欲謂諸沙門婆羅門不知欲  
之大患亦復不知捨欲之原如實不知沙門  
沙門威儀不知婆羅門婆羅門威儀此非沙  
門婆羅門亦復不能與身作證而自遊戲謂  
諸沙門婆羅門審知欲爲大患能捨離欲如  
實不虛知沙門有沙門威儀知婆羅門有婆  
羅門威儀己身作證而自遊戲是爲捨離於  
欲云何色味設有見刹利女種婆羅門女種  
長者女種年十四十五十六不長不短不肥  
不瘦不白不黑端正無雙世之希有最初見  
彼顏色起苦樂想是謂色味云何色爲大患  
復次若復見彼女人年八十九十乃至百歲



顏色變異年過少壯牙齒缺落頭髮皓白身體垢圻皮緩面皺脊躄呻吟身如故車形體戰掉扶杖而行云何比丘初見妙色後復變易豈非是大患乎諸比丘對曰如是世尊世尊告諸比丘是謂色爲大患復次此若見彼女人身抱重患卧於牀褥失大小便不能起止云何比丘本見妙色今致此患豈非大患乎諸比丘對曰如是世尊世尊告曰諸比丘是謂色爲大患復次比丘若見彼女人身壞命終將詣塚間云何比丘本見妙色今已變改於中現起苦樂想豈非大患乎諸比丘對曰如是世尊世尊告曰是爲色爲大患復次

若見彼女人死經一日二日三日四日五日  
乃至七日身體腫脹爛臭散落一處云何比  
丘本有妙色今致此變豈非大患乎諸比丘  
對曰如是世尊世尊告曰是謂色爲大患復  
次若見彼女人烏鵲鷄鶩競來食噉或爲狐  
狗狼虎所見食噉或爲蝟飛蠹動極細螺垂  
而見食噉云何比丘彼本有妙色今致此變  
於中起苦樂想豈非大患乎諸比丘對曰如  
是世尊世尊告曰是謂色爲大患復次若見  
彼女人身垂鳥已食其半腸胃肉血汗穢不  
淨云何比丘彼本有妙色今致此變於中起  
苦樂想此非大患乎諸比丘對曰如是世尊



世尊告曰是謂色爲大患復次若見彼女人  
身血肉已盡骸骨相連云何比丘彼本有妙  
色今致此變於中起苦樂想此豈非大患乎  
諸比丘對曰如是世尊世尊告曰是謂色爲  
大患復次若見彼女人身血肉已盡唯有筋  
纏束薪云何比丘本有妙色今致此變於中  
起苦樂想豈非大患乎諸比丘對曰如是世  
尊世尊告曰是謂色爲大患復次若見彼女  
人身骸骨離散各在一處或脚骨一處或膊  
骨一處或髀骨一處或臑骨一處或脅肋一  
處或肩臂骨一處或項骨一處或髑髏一處  
云何諸比丘本有妙色今致此變於中起苦

樂想豈非大患乎諸比丘對曰如是世尊世  
尊告曰是謂色爲大患復次若見彼女人身  
骨皓白色或似鶻色云何比丘本有妙色今  
致此變於中起苦樂想豈非大患乎諸比丘  
對曰如是世尊世尊告曰是謂色爲大患復  
次若見彼女人骸骨經無數歲或有腐爛壞  
敗與土同色云何比丘彼本有妙色今致此  
變於中起苦樂想豈非大患乎諸比丘對曰  
如是世尊世尊告曰是謂色爲大患復次此  
色無常變易不得久停無有老幼是謂色爲  
大患云何色爲出要若乃於色捨離於色除  
諸亂想是謂捨離於色謂諸沙門婆羅門於



色著色不知大患亦不捨離如實而不知此  
非沙門婆羅門於沙門不知沙門威儀於婆羅  
門不知婆羅門威儀不能已身作證而自遊  
戲謂諸沙門婆羅門於色不著色深知為大  
患能知捨離是謂於沙門知沙門威儀於婆  
羅門知婆羅門威儀已身作證而自遊戲是  
謂捨離於色云何名為痛味於是比丘得樂  
痛時便知我得樂痛得苦痛時便知我得苦  
痛若得不苦不樂痛時便知我得得不苦不樂  
痛若得食樂痛時便知我得食樂痛若得食  
苦痛時便知我得食苦痛若食不苦不樂痛  
時便知我得得不苦不樂痛不食苦痛時便知

我自不食苦痛若不食樂痛時便知我不食  
樂痛若不食不苦不樂痛時便自知我不食  
不苦不樂痛復次比丘若得樂痛爾時不得  
苦痛亦復無不苦不樂痛爾時我唯有樂痛  
若得苦痛時爾時無有樂痛亦無不苦不樂  
痛唯有苦痛若復比丘得不苦不樂痛時爾  
時無有樂痛苦痛唯有不苦不樂痛復次痛  
者無常變易之法已知痛無常變易法者是  
謂痛爲大患云何痛爲出要若能於痛捨離於  
痛除諸亂想是謂捨離於痛諸有沙門婆羅門  
於痛著痛不知太患亦不捨離如實而不知  
此非沙門婆羅門於沙門不知沙門威儀於



婆羅門不知婆羅門威儀不能已身作證而  
自遊戲諸有沙門婆羅門於痛不著痛深知  
為大患能知捨離是謂於沙門知沙門威儀  
婆羅門知婆羅門威儀已身作證而自遊戲  
是謂捨離於痛復次比丘若有沙門婆羅門  
不知苦痛樂痛不苦不樂痛如實而不知復教  
他人使行者此非其宜若有沙門婆羅門能  
捨離痛如實知之復勸教人使遠離之此正  
其宜是謂捨離於痛我今比丘已說著欲味  
欲欲為大患復能捨者亦說著色味色色為  
大患能捨離色已說著痛味痛痛為大患能  
捨離痛諸如來所應行者所應施設者我今

具說常當念在樹下空閑之處坐禪思惟莫  
有懈怠是謂我之教勅尔時諸比丘聞佛所  
說歡喜奉行

聞如是一時佛在舍衛國祇樹給孤獨園尔  
時世尊告諸比丘有三不牢要云何為三身  
不牢要命不牢要財不牢要是謂比丘有此三  
不牢要於此比丘三不牢要中當求方便成  
三牢要云何為三不牢要身求於牢要不牢  
要命求於牢要不牢要財求於牢要云何不  
牢要身求於牢要所謂謙敬禮拜隨時問訊  
是謂不牢要身求於牢要去何不牢要命求  
於牢要於是若有善男子善女人盡形壽不



殺生不加刀杖常知慙愧有慈悲心普念一切衆生盡形壽不得盜恒念惠施心無悋想盡形壽不婬亦不他婬盡形壽不妄語常念至誠不欺世人盡形壽不飲酒意不錯亂持佛禁戒是謂命不牢要求於牢要去何財不牢要求於牢要若有善男子善女人常念惠施與沙門婆羅門諸貧匱者須食與食須漿與漿衣被飲食牀席卧具病瘦醫藥舍宅城郭所須之具皆悉與之如是財不牢要求於牢要是謂比丘有此三不牢要求此三牢要亦時世尊便說此偈

知身不牢要

命亦不堅固

財貨衰耗法

當求牢要者

人身甚難得

命亦不久得

財貨摩滅法

歡喜念惠施

尔時諸比丘聞佛所說歡喜奉行

第一德福業

三因三安瞿

三夜病惡行

苦陰不牢要

增壹阿含經三供養品第二十二

聞如是一時佛在舍衛國祇樹給孤獨園尔時世尊告諸比丘有三人世人所應供養云何為三如來至真等正覺世人所應供養如來弟子漏盡阿羅漢世人所應供養轉輪聖王世人所應供養有何因緣如來世人所應供養乎夫如來者不伏者伏不降者降不毀



者度未得解脫者令得解脫未般涅槃者位  
成涅槃無救護者與作救護盲者與作眼目  
病者與作救護最尊第一魔若魔天天及人民  
於中最尊福田可敬可貴與人作導令知正路  
未知道者與說道教以此因緣如來世人所  
應供養復有何因緣如來弟子漏盡阿羅漢世  
人所應供養乎比丘當知漏盡阿羅漢已度  
生死原更亦復受有已得無上法婬怒癡盡永  
不得全是世福田以此因緣本末使漏盡阿  
羅漢世人所應供養復以何因緣轉輪聖王  
世人所應供養比丘當知轉輪聖王以法治  
化終不殺生復教他人使不殺生自不盜竊

亦復教化人使不盜竊自不婬泆復教他人不  
行婬泆自不妄語亦復教他人使不妄語自不  
兩舌鬪亂彼此亦復教他人使不兩舌自不妬  
嫉恚癡亦復教他人不習此法自行正見復  
教他人使不邪見以此因緣以此本末使轉  
輪聖王世人所應供養尔時諸比丘聞佛所  
說歡喜奉行

聞如是一時佛在舍衛國祇樹給孤獨園尔  
時世尊告阿難曰有三善根不可窮盡漸至  
涅槃界云何為三所謂於如來所而種功德  
此善根不可窮盡於正法中而種功德此善  
根不可窮盡於聖眾所而種功德此善根不



可窮盡是謂阿難此三善根不可窮盡得至  
涅槃界是故阿難當求方便獲此三不可盡之  
福如是阿難當作是學今時阿難聞佛所說  
歡喜奉行

聞如是一時佛在舍衛國祇樹給孤獨園  
時世尊告諸比丘有此三痛云何爲三所謂  
樂痛苦痛不苦不樂痛諸比丘當知彼樂痛  
者欲愛使也彼苦痛者瞋恚使也不苦不樂  
痛者是護使也是故諸比丘當學方便求滅  
此使所以然者當自然熾當自修行當修行  
法得無比法諸比丘當知我滅度後其有比  
丘念自然熾修行其法得無比法此則是第

一聲聞云何比丘當自然熾當自修行得修行法獲無比法於是比丘內自觀身外自觀身內外自觀身而自遊戲內觀痛外觀痛內外觀痛內觀意外觀意內外觀意內觀法外觀法內外觀法而自遊戲如是比丘當自然熾修行其法得無比法諸有比丘行此法者於

聲聞中第一弟子如是比丘當作是學尔時諸比丘聞佛所說歡喜奉行  
聞如是一時佛在舍衛國祇樹給孤獨園尔時世尊告諸比丘有三事覆則妙露則不妙云何為三一者女人覆則妙露則不妙婆羅門呪術覆則妙露則不妙邪見之業覆則妙



露則不妙是謂比丘有此三事覆則妙露則  
不妙復有三事露則妙覆則不妙去何為三  
日月露則妙覆則不妙如來法語露則妙覆  
則不妙是謂比丘有此三事露則妙覆則不  
妙尔時世尊便說此偈

女人及呪術 邪見不善行

此是世三法

覆隱而最妙

日月廣所照

如來正法語

此是三世法

露則第一妙

是故諸比丘當露現如來法勿使覆隱如是  
比丘當作是學尔時諸比丘聞佛所說歡喜  
奉行

聞如是一時佛在舍衛國祇樹給孤獨園尔

時世尊告諸比丘此三有為有為相云何為  
三知所從起知當遷變知當滅盡彼云何知  
所從起所謂生長大成此五陰形得諸持入  
是謂知所從起彼云何為滅盡所謂死命過  
不住無常諸陰散壞宗族別離命根斷絕是  
謂為滅盡彼云何變易齒落髮白氣力竭盡  
年遂衰微身體解散是謂為變易法是為比  
丘三有為有為相當知此三有為相善分別  
之如是諸比丘當作是學尔時諸比丘聞佛  
所說歡喜奉行

聞如是一時佛在舍衛國祇樹給孤獨園尔  
時世尊告諸比丘愚人有三相三法不可恃



怙云何為三於是愚者不可思惟而思惟之  
不可論說而論說之不可行者而修習之云  
何愚者不可思惟而思念之於是愚者意三  
行便思憶之云何為三於是愚者起嫉心於  
他財物及於女色心念要言悉興嫉心彼之所  
有願是我許如是愚者不可思惟而思惟之  
云何愚者不可論說而論說之於是愚者造  
口四過云何為四於是愚者恒喜妄言綺語  
惡口鬪亂彼此如是愚者造口四過云何愚  
者造於惡行於是愚者造身惡行常念殺生  
竊盜姪姝如是愚者造於惡行如是比丘愚  
者有此三行愚癡之人習此三事復次比丘

智者有三事當念修行云何爲三於是智者  
應思惟者便思惟之應論說者便論說之應  
行善者便修行善彼云何智者應思惟事便  
思惟之於是智者思惟意三行云何爲三於  
是智者不嫉妬恚癡常行正見見他財貨不  
生想念如是智者應思惟者便思惟之云何  
智者應論說者便論說之於是智者成就口  
四行云何爲四於是智者不行妄語亦不教  
人妄語見人妄語者意不喜樂是謂智者而  
護其口復次智者不行綺語惡口鬪亂彼此  
亦不教人使行綺語惡口鬪亂如是智者成  
就口四行云何智者成就身三行於是智者



思惟身行無所觸犯然復智者自不殺生亦  
不教人殺生見人殺者心不喜樂自不偷竊不  
教人盜見人盜者心不喜樂亦不姪姝見他  
女色心不起想亦不教人使行姪姝設見老  
母視之如已親中者如姊小者如妹意無高  
下如是智者身成就三行是謂智者所行如

是比丘有此三有為之相是故諸比丘愚者三相  
常當捨離此三智者所行不廢斯須如是諸比  
丘當作是學尔時諸比丘聞佛所說歡喜奉行  
聞如是一時佛在舍衛國祇樹給孤獨園尔  
時世尊告諸比丘有此三法不可覺知不見  
不聞經歷生死未曾瞻覩我及尔等不曾見

聞去何爲三所謂賢聖戒不可覺知不見不  
聞經歷生死未曾瞻覩我及尔等不曾見聞  
賢聖三昧賢聖智慧不可覺知不見不聞如  
今我身并及尔等皆悉覺知賢聖禁戒賢聖  
三昧賢聖智慧皆悉成就不復受有已斷生  
死根原是故諸比丘當念修行此三法如是  
諸比丘當作是學尔時諸比丘聞佛所說歡  
喜奉行

聞如是一時佛在舍衛國祇樹給孤獨園尔  
時世尊告諸比丘有三法甚可愛敬世人所  
貪去何爲三所謂少壯甚可愛敬世人所貪  
無病甚可愛敬世人所貪壽命甚可愛敬世



人所貪是謂比丘有此三法甚可愛敬世人  
所貪復次比丘雖有此三法甚可愛敬世人  
所貪然更有三法不可愛敬世人所不貪云  
何為三雖有少壯然必當老不可愛敬世人  
所不貪比丘當知雖有無病然必當病不可  
愛敬世人所不貪比丘當知雖有壽命然必  
當死不可愛敬世人所不貪是故比丘雖有  
少壯當求不老至涅槃界雖有無病當求方  
便使不有病雖有壽命當求方便使不命終  
如是諸比丘當作是學亦時諸比丘聞佛所  
說歡喜奉行

聞如是一時佛在舍衛國祇樹給孤獨園亦

時世尊告諸比丘猶如春時天雨大雹設如  
來不出世時衆生入地獄亦復如是是時女  
人入地獄多於男子所以然者比丘當知以  
三事故衆生之類身壞命終入三惡趣云何  
爲三所謂貪欲睡眠調戲有此三事纏著心意  
身壞命終入三惡趣女人竟日習翫三法而  
自娛樂云何爲三晨朝以嫉妬心而自纏絡  
若至日中復以睡眠結而自纏絡向暮以貪欲  
心而自纏絡以此因緣使彼女人身身壞命終  
生三惡趣是故諸比丘當念離此三法念時  
世尊便說此偈

嫉妬睡眠調

貪欲是惡法

牽人至地獄



至竟無解脫

是以當捨離

嫉妬及睡調

亦當捨於欲

莫造彼惡行

是故諸比丘當念去離嫉妬無慳恡心常行  
惠施不著睡眠當行不淨觀不著貪欲如是  
諸比丘當作是學今時諸比丘聞佛所說歡  
喜奉行

聞如是一時佛在舍衛國祇樹給孤獨園今  
時世尊告諸比丘有此三法習之翫之不知  
厭足亦復不能至休息處去何為三所謂貪  
欲若有人習此法初無厭足若復有人習飲  
酒者初無厭足若復有人修習睡眠初無厭  
足是謂比丘若人有習此三法者初無厭足





銅梨音非下正上相夫音反音萬音落又皓音白音老音反胡

垢圻音下聲音間作圻字入同緩音反胡伴跛音反側瘦脊音艘音下上音力音跡音句

作反正音僕呻吟音申上音音戰掉音反上正徒作顛之扇音牀蓐音上床

字下音辱脞脹音正上音作疋降反又疋江反爛臭音反上音下郎且

反救鷓鴣音驚音下上尺就脂反狐狗音胡上音狼虎音下上音席音郎音蚘

飛緣音上反鳥蠢動音尹上尺螺羅音腸脞音謂下音骸骨音皆上音反戶

膊膏音正上音作飛軟反驛骨音禮上音蒲臆音坤寬音脅肋音上音業反虛

下勒音項音胡講音髑髏音二獨樓音鴿音反古合腐爛音反上音音不降

下江反戶姪音妖音一反夷解散音上音買反胡恃怙音下音音市電音蒲

反調戲音吊上音反徒娛樂音愚音

